


آدرهس :

IDJTihad  
Constantinople

دوردنجی سنه

# اجتهد



آدرهس :

اجتهد اداردخانهسی :

دارالمعلمین قارشینده دائره  
مخصوصه در .

سنه ۴۰ آبونہ بدلی ، نسخہ سی  
۵۰ پاره در .

پنجشنبه کونلری نشر ایدیلیر اقتصادی ، اجتماعی ، ادبی مجموعه



بنده بوجناتی ارتکاب ایتیمه جک و صوک نفرینی کنیدی  
طمانجه مه کنیدی ده صوک قورشونمه تودیع ایده جکم .  
شهرده امکان مقاومت قلمدینگی کورنجه محاصره آلتنده  
بولنان لااقل قرق بیسک بولغاری تجرید ایدرهک عجزه  
صیان و نسوانی قونسولوسلرک لارینه برر بیاض چارشاف  
ویرهک آنلرک هایه سسنه تودیعا شهردن چیقاره جکم .  
شیمدی یه قدر یایدقاری کبی بولاری ده اونلرک مدینت  
کوزلری اوکنده ایستلرسه احما ایتسونلر . بعده طوپلری  
او مشهور عالم مبانی واما کن معززمن ایله بولغارلر اوزرینه  
چویرمه جک و شهریمزی آتشارده بوغورق خرابه زاره دوندیره  
جکم . ایچریده آتش ، طیشاروده اولوم ایچنده قاله جق  
قهرمان عسکریم ایشته اوزمان ولوکه محاصری بر ملیون  
اولسون ، آنی یاره جق و بوضورتله یا قهرمانجه اوله جک  
ویا خود مقدس پایتخت اجدادینی شانله ترک ایده جکدر . »



عصرلرک بانوراماسی

یاخود

تاریخ کائناته بیر نظر

مدخل

محاربه نعره لرلی ، سلاح یاتیردی لرلی ، بایراق تموجلاری  
آراسنده ، هریردن قوشوب کلن مزدحم و متهمج انسان  
کومه لرلی ، عرق خلیطه لرلی : ایشته بشریتک سیل مشکوک

ومهمی . اعماق اعصاردن بری او : متوحش ، مغد  
آنی صولتیه ، شوق ویاسلری ایله طراقه ساز ولوله سیله  
ماضینک سکونتی اختلال ایدرهک ، دائماً قاباران موجه سیله  
ارضی قاپلایاراق بزه قادار واصل اولویور . اوراده ،  
ظلمت اعصارده قبل التاریخی طبیعتک عجیب طاشقینانی  
ایچینده چیرپینیور ، وحشی اورمانلر آره سنده سرسری  
طولاشیور و آنجاق اونلرک کولککلرنده بارینه بیلور .  
صوکره جسارتله نیور ، یوردینی ترک ایدیور : بووجهله  
عائللر ، عشیرتلر ، قوملر تشکل و تکثیر ایدیور . بشر  
طالغه سی عصردن عصره صعود ایدر ؛ اوزون صبر و ثباتی  
سایه سنده بوتون موانعی قیرار ؛ اوولره یاییلان نهرکی  
طاشار ؛ بوتون ارضی اوزون طالغه لرلیله ایتلا ایدر .  
عرقلر چاریشیرلر ، قاریشیرلر ، تصالب ایدرلر ،  
وینه بیرلشیرلر ، بیاض اقوام ، سیاه اقوام ، صاری  
اقوام کشف کوزلریله ، کورولتولی چتله لرلیله ، بی قرار  
اولان آرامسزلقلریله جهانی طولدورورلر . قطعات ارضک  
وسعتی اونلرک اتساع و ترقیلری ایچین طار بیر ساحه در .  
انسان شمالدن جنوبه ، جنوبدن شماله کیدر ، کلیر ؛ منطقه  
حاره لرک یاقیچی چوللارنده ، شمال جهودیله لرینک ایصمزه  
لقلرنده فتح و تحکم فکر عنودانه سنی تعقیب ایدر . نهایت  
ایلک حکومتلر وجود بولیور ؛ درحال منقرض اولیورلر ؛  
انقراضدن یکیلری تشکل ایدیور و اونلرده زوال بولیورلر .  
اقوام تعضو ، ترکب و انشلاق ایدیورلر . دائمی بیر  
عمل ، سورکلی بیر فعالیت بعضیلرینی تکاملدن تکامله  
سور و کله یور ؛ حالبوکه دیکرلری عطالته طالیور ، حرکتدن  
قالیور ، ترقی و تکامللری ابدیاً طورییور .

مدینت طوغدی : انسان کنیدیسی آکلادی . شیمدی  
غلغله اقوام داها حار و حامی اولیور . ارضده کنیدیسنه  
تحکم ایدن نهل آلتنده استحاله ایدیور : هر طرفده  
قصبه لر ، معبدلر ، متحکم موقعلر و بلدلر باش کوسسته .  
ریبور بو مختلف حرکات آراسنده فاتحلر ؛ جماعت واردو .



ماضينك پرده لړخی قالدیره رق ، عصر لړك بوكرداڅي بزه  
كوسته ريوړ . مع مافيه اوزمانلرده غائب اولان زوغلوديتلرك  
(مغارلرده ياشايان اقوام قبل التاريخيه ) حيوانيت ابتدائيه دن  
قورتيلوب طبيعتك فوقته چيقمه لړی و بشریت حاضره نك  
كالات و ترقیاته صعود ایده بيلمه لړی ايچين بوقادار بير  
زمان لازمدر .

عاجز اصللر مزی عجيب بيرسوينچ ايله تماشا ايدييورز!  
ناصل ؟ مشكلاته بيه جكنی آريان ، عالم قديمك نامساعد  
صولت لړی آرده سنده كوچلكه موجوديتنی مدافعه ایده بيان  
بوسفيل و فقير ، بوساده وقابا وجودميدر ، كه بوكون كاشانی  
اولچيور : ييلدیزلری طاریتور ، ماده نك قابا و چتين  
قوتلرینی كنديسنه رام ايدييور ! بو آدميدر كه ؛ مدته حاكم  
اولاراق فن سایه سنده ، نهان اولان دورلری ياشاتيور ؛  
عصر لړی كوزينك او كندن كچمكه مجبور ، خيالاتنه هيچ  
بركوزك كوره مديكي و هيچ بيروجدانك قوشاته مديني منظره لر  
عرض ايدييور ؟ انسانك ارض اوزه رنده كي حكايه سی نه  
غريب و عجيبدر ! نه مانع لر و نه موفقيت لر ! نه مظلم معمالر ؛  
نه و نه قادار بولوشلر ! نه خيالات و نه فعلیات . انسان ،  
لوله لی دماغدن هرشي استخراچ ايتدی . تسكين ایده  
بيلمك اوزه رده اندیشه ني ايقاظ ايتدی ؛ جهانی ايسته ديكي  
كبي اداره و رام ايتك اوزه رده ميدانه آتیدی ؛ اكر لازم  
كلسه ایدی آ كلامق ذوقی ايچين عالمی خلق ایده جكدی !...

ای فكر نجيب ترقی ! حقیقتی بوتون كاليله كورمك .  
ايشانك قانون معلاسنی « یعنی ياشامق و وار اولماق ايچين  
دائماً دكيشمك و دائماً ايله ريله مك لازم اولدوغنی » آ كلامق  
عصر مزه عائد بر كشفدر . آن بان جهانك يوزی تبدل  
ايدیور . كائنات ايسه الى الابد نشوونما بولان بيروجوددر .  
او ، هيچ بيروقت اولكي حالنده قالامايا جاقدر . بو خارقه  
حرکتی ، بو جريان دائمی ني ادراك ايتك ، سير زمانك  
توقف ايتمه جكنی و كری دونه مهيه جكنی آ كلامق ، هر  
بير « آن » ك يكي بيرخلق اولدوغنی ، هيچ بيرشينك استحال

لړخی فتوحات جديده سوروكله يورلر . ارضی سلاح  
پاتيرديسي قابلايور ؛ محتشم اسملر اغزند اغزه اوچو-  
شويور ؛ حالبوكه بويوك قوماندانلرك خشين األری قوملری ،  
عرقلری قارما قاريشيقي ايدیيور . نه قادار فلاكت لر !  
ظالمانه ويا عاليجنابانه ، نه قادار ظفرلر ، نه قادار كرم  
و سرورلر و نه انقلابلر ! مع مافيه « فكر » بونلرك  
خارجنده ، علوی پناهيده ؛ يورولماز و معد ، جسور  
و احتياطكار اولاراق بوكورولتولره تحكم ايدیيور ؛ انسان  
واشياه حاكم حقیقی اولاراق ؛ مقصدينه دوغريويور  
بوتون غلبه لر دن ، بوتون هزيمتلر دن او ، مستفيد اوليور ،  
يالکزر او ، مدرك وامين ، قادر و حقیقيدر : يالکزر او ،  
دائماً بويومكده در .

تاريخ بزه ، نه واسمع پانوراما ، نه اوزون تعاقب  
اعصار ، نه سفالت و دبدبه صحنه لړی و نه اعجاز نما خيال لر  
تماشا ايتدير ييور ! ظلمت و خطا ايچنده بوغولش تصور ايتك ،  
كنديسنه عالمی سد ايدن اعتقادات باطله يه چارباراق محو  
اولدوغنی دورلر ، نه قادار اوزا قدر ! فن ، قديم اعتقادات  
مضيقه بي قيرمش ، محكم قبه سمايی يارديني ايچين كوزيمز ،  
حدس زلفك درين اوچوروملرینی سوندا ايليور ، فضا نك  
صوتوق خلوتلرینی كچرك نامتناهی كشف ايدیيور ،  
سماواتك اعماقنده آتش اولان ميليون و ميليارلره كوشلره ،  
ييلدیزلره واصل اوليور .

ماضي مزه سد چكن ديواره ، ييتدی : اولجه خلقته  
مسكانه بخش ايديلن بش بيك سنه نك آرقه سنده ، نامتناهی  
بير رجعت ايله ، سني ماضيه نك هيئت مجموعه سنی كورييورز .  
ميليونلر و ميلونلره سنه لر ظرفنده ارضك تشكلی ، شكل لرك  
تولديني ، جنس لرك تعاقبی ، هنوز ايليق و راطب اولان  
طوپراق اوزه رنده مدھش و جودلرك سورونديكی كور-  
بيورز . طله كچ كلن انسان بيله يوز بيكرجه سمنه  
اسكيدر .... فكر من توحش ايدیيور و بومدت وسيعه بي  
احاطه ايدیيور : كوزيمزی چورييورز ؛ حالبوكه فن



و تغیر ایتمکسزین و «کل» ک تأثیرات دائمیه سنه توافق ایتمکسزین، دوام ایده مه به جگنی احاطه ایتمک بزم کونلر مزده تجلی ایتمش بیر کشف فکریدر .

کورولدی که هیچ بیر شی ثابت دکل ، آکلاشیلدی که کره مز بوگون بزه کوروندیکی کبی بیر موجودیت دائمیه بولونماشدر . جنسارک «عدم لغیری» فکر سقیمی ترک ایدلدی . سلسله انسال کشف اولوندی . ادوار وازمنه نك نامحسوس مساعیسی تأثیریه ذی الحیات موجوداتک ، بطی بیر تکامله مظهر اولدوقلری کورولدی .

ایمدی تکامل نظریه جسیمه سنی بوتون نتایجی ایله قبول ایده لمده ، ابتدائی دکل زرده تلاطم ایدن بی شکل ایلمک عضویت طاسلاقلرندن اعتباراً طبیعت ذی حیاتی بزه قادر اصعاد و ایصال ایدن مظلم قوه سقوقیه نی تماشا ایده لم : موجوداتده ، زمان و تصادفات سایه سنده ایجاد و اختراعلر ظهور ایتدی .: کونک بیریشنده داها قولایقله سورونمکه مساعد بیر استقاله محرکه ؛ دیگر بیر کون خطوط شعاعیه ایله آنجاق متحسس و کوزلر مزک مقدمه سی اولاراق بیر ابتدائی لکه !... بو یکی اعضایه اک زیاده مظهر اولانلر دیگر لرینه غلبه ایدیور ؛ اعتیاد ، کشفی مؤید قیلور ؛ موفقیت ، اهمیتی آرتیریور . بو وجهله موجودات تعضو ، تنوع و ترکیب ایدیورلر . یکی خاصه لر ، اولنری داها زیاده کاله سوق ایله داها معین اشکاله توجهلرینی موجب اولویور ؛ تفرعات چوغالیور ؛ فرقرار ترسم ایدیور ؛ نوعلر وجود بولویورلر . هر فرد بزه ، اختراعات متسلسله نك خارقه بر اثر معماریسی صورتنده کورونویور . ذی الحیات موجوداتک مجادله دائمه سنندن متباقی قالانلره اک اعلا لری واک قوتلیرلری دیورز : بوسوز ، امر واقعی تعریفدن باشقا بیر شی دکلدر . ماضی بی آکلاماق و خلاصه ایتمک ایچین علممز ، اونک حاله طوغری سیرینی کوسترمک احتیاجنده در . ترقیده ، بوسلسله ایجاداتی لمحہ بصرده احاطه ایتدیرن بیر ( Perspective ) منظردر .

ارض اوزره رنده و بوتکاملاتک بالاسنده کورون انسان . دیمک اولویور که بتون ذی روحلرک توجه کاهیدر . نته کیم مدنیت حاضره مز ، یشریتک ثبات و عنادله تعقیب ایتدیکی مقصدک مشخصیدر . انسان ، عصر لرجه نه قادر اندیشه لر ایچنده چالیشمش ! بومعجز دلری ادخار ایچین نه اوز و نکیلر ایچنده چیرینمشدر ! ماضیک عطالت و سکونینی کندی کورولتولری آلتنده بوغماق ایچین نه غیرت و شدتله وجود بیر اتمشدر . خرابه لک ایصسر لغنده ؛ طوپراقلرک تختنده ، نه تمزک صامت او یوشقلغنده ، اعضا لر مزک اعماقنده ، بیر شعر نامتناهی اولان ذکای بشر او یویور . تاریخ اونی آنجاق بوکون احیا ایدیور . ال یازیلرنده اوقونان تاریخ دکل ، فقط غرایت دیوارلر اوزره رنده ، طوپراقدن چیقاریلان انقاض اوزره رنده ، نهان اولمش لسانلرک یازیلرنده مکنوز اولان تاریخ ، بزه بو حقیقتلری سویلیور . بو ، بزه نوعمزک عاجز اصلنی کوسته ریور : دیور که او بیر کونده طوغماش ؛ فقط عصرلرک تعاقب و توالیمی سایه سنده تشکل ایتمشدر .

خلقت آدمک ، بیکلر و بیکلرجه سنه ظرفنده غیر محسوس ، بطی و غیر تدریجی بیر مشی و ترقی ایله بوشیمدیکی کاله کلش اولماسی ، قیمتی تزیل ایتمز . بوسایه ده فکر مز حقایق داها ای احاطه ایده بیله جکندن ، حیرت و تقدیر مزده داها صمیمی اولوز . متحیر کوزلر مز اوکنده ، بیر خیلی عجیب صورتره ، خشین تر و غلوطیترک ( مغازلرده یاشایان ازمنه قبل تاریخیسه انسانلری ) استحاله ایتدکلرینی ، دوغرولدقارینی منظره حیوانیه لرینی غائب ایتدکلرینی و بو کونکی انسانه منقلب اولدقارینی کورویورز . تاریخ اوکمزده سنه لک تعاقبی بیر قاچ دقیقه ده ترسیم . ازمنه نامحدوده نك اوز و نلغنی قیصه بیر قاچ منظره ایچریسنده تکشیف ایدیور .

اوله ایسه عصرلرک بوکیش ترتیباتی احاطه ایدوب ، سریع بیر نظرله و بیر قاچ متوالی تابلو صورتنده خلاصه ایتمک غیرت ایده لم :

اولا اورمانلر و اولنلرک اعماق خفیه سی : منسی ادوارک



بونی متعاقب ، احتیاطکار و ملاحظه‌لی ، حسیس و موشکاف ، باربارلرک جدی مربیسی اولان روما ، حاکم جهان اولدی . عدالت ، نظام ، حکومتک انتظام خارقه‌سی اقوامک هیجان و حرکاتی تسکین ایتدی . واسع و بسیط میانینی ، صوبندلرینی انشا ایتدی ؛ متین یوللرینی وجوده کتیردی : رومانک صلح محتشمی اسکی دنیانک ثرونی ایچنده طاتلی طاتلی او یویور .

بونلری بر دور سکونت تعقیب ایتدی : اسکی مبانی جاتالیوب چوکیورلر ؛ یبانیجی و سرسری اقوام یکیدن باش کوستیریورلر . اختلاللر ؛ خوابیده اقوامی صارصیورلر . بوسرهده خرسیتانلق دوغراق انسانلره لطف و امید سوزلرینی کتیریور . کورولتی ، هیسولا ، یکی عصرلرک تعاقبی ، اختلاف و مجادله‌لر آره‌سنده قرن وسطی سیر ایدیور : وحشی مناسترلر ، قوله‌لر ، قلمه‌لر ، مستحکم شهرلر ، سایه یوکسلمش کلیسالر ، دمیرکینمش شووالیه‌لر ، راهبیلر ، سرسریلر ، اهل صلیب دلیسکلری ، بایراق تموجلری ! غرب عالمی شرق اوزرینه یورویور . شالاک جتین مدینتی عربلرک یکی دینی ایله تصادم ایدیور ؛ خفیف و رقیق مناره‌لی ، جاذبه‌دار باغچه‌لی و کونشلی شهرلر قارشینده دوچار حیرت اولویور . دمیر شاقیرتیلریله شرق عالمک بر ذوق سکوتنی اخلال ایدیور ، حالبو که دیگر جهتن آسیانک اورته‌سندن یکی استیلاجیلر آوروپایی چیکنه‌یوب بونجه مجادلاته مقر اولان آوروپاده قان دریالری وجوده کتیریورلر .

شیمدی یکی زمانلر ، فکرک ایکنجی بیرجری باشلا یور . وحشت انکیز اشکنجه‌لره . قیزغین آتشلره ، قیرمزی دار آغاجلرینه رغماً بیکلرجه فدائی طرفدن حریت اعلان اولوندی . حقیقتی ، نه قان ونده اشکنجه محو ایده‌مز . فن طوغدی ؛ عقل اسارتدن قورتولدی . وسعت وهوای مبذول ایله غشی اولان دهای بشر کشفدن کشفه ، اختراعدن اختراعه قوشیور . مدققین ، سایا اکشاف ، یاده‌بی استکنه

طبیعت قادره‌سی محصولی اولان جسم آغاجلر ، صارماشققلر و دال یغینلری آره‌سنده قوی و دیوهیکل حیوانلر طولاشیر ، بومدهش و نه‌ییمی محیطده انسان طاشدن معمول آلات بسیطه‌سیله مسلح اولاراق غدای یومیسنی آرامغه چیقار . ایشته شو پراقلر آره‌سنده کی قولبه ( کلبه ) سی ؛ ایشته بوده ، مغارملرده کی مأوای مظلمی ! قطعات ارضیه تدریجاً صودن چیقارلر ؛ جمودیه‌لر اووه‌لره نزول بعده طاغله رجوع ایدرلر . هرشی استحاله و تکامل ایدر . بوسرهده انسان حال ابتدائیده اولان صنعتی ایلروله‌تیر ، سفالتلرندن کندیسنی قورتاریر : اونوتولش دورلر ، مدید فقر و شجرت کیجه‌لری !... ایشته مدنیت طاسلاغی : شرق کونشنک شعاعاتیله متبسم مصر ، یکی جهانک فجر چیچکی کبی ، غرانیتلریله ، سیفینکس‌لریله « sphinx » ، اهرام‌لریله ، قبرستانلریله ، کثرت نفوسیه عرض دیدار ایدیور . اوراده محتشم معبدلر ، شدید قانونلر ، آغر کوره‌نکلر ، عقول مظلمه‌نک آغیر اویقوسی مشهوددر .

ایشته ، مغرور و محتشم شهرلریله ، آجیق قنادلی و طاشدن معمول بویوک دانالرک محافظه‌سنده کی سرایلرنده دبده و ضیافته دالمش وحشی قرالریله آنوری حکومتی ؛ ایشته ، حقیر اهالیسینک ازدحام شماتت انکیزیله تیر ( Tir ) ؛ ایشته ، تماشای ساکتانه‌سی قارشوسنده استغراقه وارن و کذب کائناته بیکانه طوران خیالپرست هند .


اوراده ، دیواری آره‌سنده ، خودبین و عملی چین ، هرشی استخفاف ایدرک مصرانه چالیشیور ؛ فقط فعالیت دائمه‌سنه و کثرت نفوسنه رغماً چابوق مدنیت سریمه‌سی ایچنده اویشیور .

بحر سفیدک زمردی ساحللرنده بویوک بر ایشیق بارلادی : یونان ، علوی منظره‌سیله بر دنبه کوزلری قماشیدره‌رق صعود ایتدی : « فکر » و « حسن » عالمی ضیادار ایتمکه باشلادی . حریت ، جهان میدان او قویاراق عرض وجود ایتدی . انسان برنجی دفعه اولاراق یاشادیغنی و بویوککنی حس ایتدی .



اولوم کولکه صالیور . وضعیتلر ابدیاً بی حرکت قالیور .  
بی امان تاریخده صلوئوق بیر طورله هر شی ای در دیور .  
ماضی نك ولوله عظیمه سی کسیدلی . درام نهایت بولدی .  
« فکر » بو سکوت و استراحت فوقنده حیاتک قانون  
مدهشنی کوروپور : دائماً مبارزه ایتک ، اولدیرمک ،  
یکیدن وجوده کتیرمک تخریب ایتک ، بوجهله بلاشفقت  
نفوذ یورومتک ! غالب دائماً حقلی ؛ محو ونابدید ایدیلن  
شی ایچین بیر تأسفه بیله لزوم کورولم یور . حقیقت مطلقه ،  
حقیقت مدهشه بونک خیری افکاری بوغار ؛ عقلیمزی  
اشغال ایدر ؛ دائماً قبول ایتلی ؛ مدح ایتلی ؛ تقدیر  
ایتلی ؛ بوجهنمدر . فقط بوترقی در . چونکه حال دائماً الم  
وخجرت ؛ ماضی ایسه دائماً بویوکک وعلویت در !

مابعدی وار



تازه اثرلر

# قاموس عثمانی

۱۱۳۲ بویوک صحیفه دن متشکل و بک چوق رسمی حاوی  
مکمل بیر قاموس عثمانی در . غیر مجلد اولاراق تکمیل طاقک  
بهاسی ۷۰ غروشددر . مرجعی باب عالی جاده سنده ( جهان مطبعه  
و کتبخانه سی ) در .

ایدیورلر . جسور کیمجیلر مجهول دکزله آچیلیور ؛ یکی  
طوپراقلر آرامغه چیقیورلر . دنیانک حدودی کربلیدی ؛  
اقتلر هر طرفدن کنیشهلیدی . اوراده ، ضیای مدنیت  
خارجنده ، مجهول و منفرد اقوام یاشایورلردی ؛ بونلرک  
هرقلری بویوک آمر بقاده عصرلر دنبری حرکت دائمه ده  
ایدیلر : نه مجهول بر تاریخ ونه پر خفایا بیر قدیمیت !  
محاربملر و تسلسل وقایع آره سنده بشریت ، عقل  
وجنتی ، عدل وظلمی چیکنه یه رک لاقید مشی وسیر یله فتوحاتدن  
فتوحانه کیدیور . شیمدی هر دورلو مظفر تی بیلور ؛  
آوروپا اقوامنک ششمه لی جه دوغیرتی ، بتون اقوامی عالم  
مدینتک ضیاسنه دعوت ایدیور ؛ بو ، مظفر حریتک  
دعوتیدر .

بتون اقوام کیدیور ، کلیمور ؛ قاریشیور ، یرلشیورلر .  
فقط عجباً بوجسم بلدملر مزده نه کبی بیر استقبال مند مجدر !  
منیسلی صباحلر مز نه خیالات ایله محمولدرلر ؟ بشریت هانکی  
مجهول بدیعۀ خیالییه طوغری کیدیور ؟ آثار مستقبله نك  
بو خفایاسی قارشیسندۀ بز ییرباش دومه سی استیلا ایدیور :  
بوقادار مظفر یتلرک فرداسی نه اولاجاق ؟ فقط سویلنمه سی  
ممکن اولان شی شودر : بشرک فعالیت عظیمه سی ، جماعتلرک  
حیات مظلمه لری ، هرکسک آیری آیری آمالی ، متحرک  
بیر غلبه لنکده ضایع و نایاب اولان احتراصات ، عجیب آرزولر ،  
هپ بونلر قدرت عمومیه نك دالعه لی عمانی ایچنده قاریشوب  
کیدییورلر ! کتن کوملکلر ، یاخود دیمیر ایسه لر ، عبا  
و یاخود ایسک حقتانلر ایچنده اولسون نهایتسز انسان  
یوره کلری دائماً بر برینه مشاهدلرلر . حالردن فحیرتاردن  
عبارت قاجمه سی ابدیدر . قیزیل پنجه لی جنایت ، قانلی  
باشلر قویاران ده لنلک ، سیف مسلول قهرمانلی ؛ عصیان ،  
عبودیت ؛ بویوک ضیاقتلر ذوق و نشئه سی ، بارلاق ویا  
قارانلق سما آلتنده کی گروه و جماعتلرک مدوجذری هر زمان  
بر برینک عینی در .

یورویهن ویا اوطووان بوجاعتلر اوزهرینه طاش یوره کلی